

Protocol no. 99
Sezzüda da mardi, 17 mai 2011, 20.00 – 22.15

Preschaints: Jon Carl Rauch; Chasper Alexander Felix, Georg Salomon, Marianne Werro-Lehmann, Jachen Andri Schmidt e Rico Zini (protocol)

Protocol

Il protocol no. 97 dals 18 avrigl 2011 e'l protocol no. 98 dals 10 mai 2011 vengan approvats.

851 021 FABRICA
Patrizia e Gian Claudio Wieser – Chamonna per giallinas – Tuols

Sün dumonda da la famiglia Wieser decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Taxa da trattamaint da fr. 50.--.

852 021 FABRICA
Annette e Peter Keller – Müdar oura porta d'entrada – Sala 244

Sün dumonda da la famiglia Keller decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Taxa da trattamaint da fr. 50.--.

853 021 FABRICA
Men Zanetti-Salutt – Renovaziun fatschada – Bügl Süt

Sün dumonda da sar Men decida il Cussagl cumünal da dar il permiss pel intent manzunà aint il titul cun seguaintas cundiziuns:

1. Tenor la dumonda inoltrada e fatta buna.
2. Tenor il muoster da culur preschantà.
3. Taxa da trattamaint da fr. 100.--.

854 021 FABRICA
Mario Schmidt – Sistem fotovoltaic – Ruinas 1323

Il Cussagl cumünal decida d'inviar la dumonda da BAB a Cuoir a in sen positiv.

856 800

ALPS E PAS-CHS

Dumondas per alpagiar muvel ester sün territori da Sent

Il schef da god e pauraria orientescha chi sajan entradas seguaintas dumondas per alpagiar muvel ester sün territori da Sent:

- Società d'alp e chascharia ca. 80 armaints süts e ca. 5 vachas
- Società da chavras Üsöls da Ftan ed Ardez
- Società vachas mamma 8 vachas estras cun vadels ed 1 chavagl

Il Cussagl cumünal decida da laschar alpagiar a quistas bes-chas sün territori da Sent.

859 810.501.30

Protecciun da lavinas in Val Sinestra

Surdatta da lavur

Davo avair tut cogniziun da la proposta da l'Uffizi da god chantunal decida il Cussagl cumünal da surdar la seguainta lavur:

1. Lavurs d'impressari

Koch AG, Ramosch

fr. 326'244.95

860 620

VIAS E PLAZZAS

Dumonda per far adöver da spazzi public

Il capo prelegia üna dumonda da pudair metter als 4 gün 2011 üna tenda davant la chasa Lansel, tanter las garaschas Welten e la chasa Gianotti (La Motta). In cas da trid'ora gniss quella douvrada pel aperitiv d'üna nozza. La tenda gniss missa sü in sonda a bunura e levada amo quel di. Il Cussagl cumünal decida cha quai saja in uorden.

861 620.314.02

Mantegnimaint general da vias

Differentas lavurs da catram

Il schef da vias orientescha chi vegnan fattas, per fr. 28'310.45, differentas lavurs da catram in cumün. Quist import es büdschetà.

862 151

TIR DA SCHAIBGIAS

Reclamaint dal tir da chatscha a Parnarsura

Il Cussagl cumünal repassa il reclamaint elavurà in discussiun cun ün rapreschantant da l'IG Sur En ed cun ün da la Società da chatschaders. Las correcturas davart dal Cussagl cumünal vegnan integradas. Sco prossem pass segua amo üna seguonda sezzüda culs rapreschantants manzunats survart.

L'actuar: